



Deddf Cwricwlwm ac Asesu (Cymru) 2021

2021 dsc 4

RHAN 7

CYFFREDINOL

79 Ystyr “ysgol a gynhelir”, “ysgol feithrin a gynhelir” ac ymadroddion cysylltiedig

(1) Yn y Ddeddf hon—

(a) ystyr “ysgol a gynhelir” yw—

(i) ysgol gymunedol, sefydledig neu wirfoddol a gynhelir gan awdurdod lleol yng Nghymru, neu

(ii) ysgol arbennig gymunedol a gynhelir gan awdurdod lleol yng Nghymru, ac eithrio ysgol arbennig gymunedol a sefydlir mewn ysbyty;

(b) ystyr “ysgol feithrin a gynhelir” yw ysgol feithrin a gynhelir gan awdurdod lleol yng Nghymru ac nad yw’n ysgol arbennig.

(2) Yn y Ddeddf hon, mae i’r ymadroddion a ganlyn yr un ystyr ag a roddir i’r ymadroddion Saesneg cyfatebol yn [Neddf Safonau a Fframwaith Ysgolion 1998 \(p. 31\)](#)—

“ysgol arbennig gymunedol” (“*community special school*”)

“ysgol gymunedol” (“*community school*”)

“ysgol sefydledig” (“*foundation school*”)

“ysgol wirfoddol” (“*voluntary school*”)

“ysgol wirfoddol a gynorthwyir” (“*voluntary aided school*”)

“ysgol wirfoddol a reolir” (“*voluntary controlled school*”).